

757 Rûch gebildet, snêvar.
 dâr an stuont her unt dâr
 tiure steine gein ein ander.
 die wûrme salamander
 5 in worhten in dem viure.
 si liez in âventiure
 ir minne, ir lant unt ir lîp;
 dise zimierde im gab ein wîp.
 er leiste ouch gern ir gebot
 10 beidiu in vreude und in nôt,
 der kûneginne Secundille.
 ez was ir herzen wille,
 daz si im gab ir rîcheit.
 sîn hôher prîs ir minne erstreit.
 15 Gawan bat des nemen war,
 daz diu zimierde wol gevar
 iender würde verrucket
 oder iht dar von gezucket,
 kursît, helm oder schilt.
 20 es het ein armez wîp bevilt
 an dem wâpenrocke al eine.
 sô tiwer wâren die steine
 an den stûcken allen vieren.
 hôch minne kan wol zieren,
 25 swâ rîcheit bî dem willen ist
 unt ander werdeclîcher list.
 Der stolze rîche Feirefiz
 truoc mit dienste grôzen vlîz
 nâch wîbe hulde. umbe daz
 30 einiu ir lônës im niht vergaz.

Hôch (Dvrch Z) g., sn. *G ouch g. sn. (sine var U) *T (V L)
 an om. *T

in geworhten in dem v. *T
 si kêrten in â. *G (ohne Z)
 unt om. *T
 d. gezierde *T · gap im *G (nur GI)

diu kûnigîn S. *G (*T)

diu om. *G (nur GZ)
 würden *T (I)

k., h. unde sch. *G (nur GI) · k., h. unt strîtschilt. *T

sô om. *G *T
 den om. *G *T

n. wîbes ([N*]: Nach wibez V) h. *G (nur GI) (V)
 daz e. l. im (im lones einiv G ein lon im U) n. (nie *T) v. *G (*T)

*D: D *m: m (ohne 757.4) V *G: G I L Z *T: U

1 Initiale D G L Z 11 Initiale I 15 Initiale U 25 Initiale I 27 Majuskel D

1 Rûch] rîch *m (nur m) 3 tiure] om. *m 6 in] an *m 8 diu die zimierde gab, ein wîp (Die zimierde gab [*]: im ein wip V) *m 9 gern ir] waz si im *m 11 der] diu *m 13 ir] om. *m (nur m) 15 bat] hiez *m